

七錄齋近集目錄

卷四

序

黃子羽詩稿序

陳木叔詩序

楊子嘗全稿序

五兄稿序

五子近業序

二三場合鈔序

七錄齋集目錄

卷四

劉中齋先生詩集序

徐及申先生稿序

馬漢翔試稿序

李舜良稿序

薄歸二子合稿序

龔孝升稿序

馮玄度稿序

馬漢翔稿序

蘇陽長詩稿序



古炳堂稿序

吳純祜稿序

汪君萬稿序

周簡臣稿序

孫君昌稿序

徐無礙詩集序

吳日生稿序

賀蔣八公先生掌坊序

代

袁特丘司理考績序

七錄齋集目錄

卷四

吳禹玉先生榮封序

陳侯木叔迎養賀序

賀李青藜榮擢禮官序

賀申君美年伯榮封序

賀崑山葉令君考最序

宋讓木生子賀詩小序

劉墨仙放生慶生序

七錄齋近集目錄卷四

終

七錄齋近集卷四

婁東 張溥西銘 著

同里 張采受先

閱

金沙 周鍾介生

黃子羽詩稿序

駿公向爲子羽序詩其文多做四聲有韻之言將之以韻彥回援琴不愧清夜至今集懷宮商未散近又讀其新篇如賦迷迭讚黑鵠不自知其深也子羽華胄雋士讀書數十籠以詩託志

七錄齋集

卷四

一

歲輒有詠日月移于上聲歌變于下。一篇之內。足知四時。山中長隱。不覩歷書。觀花開落。卽占氣候。讀詩之心。致亦近是。若其沉壯清遠。亦古者涉江湖風之流也。近日詩家。公安景陵。襟期自命。並以昆友呼喁。善易不易。子羽元歎。起而和之。蘇門一嘯。若有留者。詩本楚聲。而吳音晚貴。宜其應也。建安七子。著於黃初。間論人地。頗乏江南賓客。以子羽環綺之思。追踪前妙。並仲宣于山陽。起孔璋于廣陵。爲不遠矣。

陳木叔詩敘

海內讀陳木叔先生文者莫不樂誦其詩以故木叔詩篇盛多與其文等河梁客舟荒亭旅壁筆勢宕放皆其吟詠比宰靖邑二三年間詩刻數十司空幽閒遊蟻娛意固其政成之效哉木叔未第時詩名寒山寒山其鄉也宰靖時詩皆以青爲名或云青出或云青立或云青尋或云青歸或云青夢或云青還從靖稱也木叔少時讀書雲峯山卽夢作靖今今則雞聲衙鼓皂衣

七錄齋集

卷四

二

走趨如其夢中子所爲歌昔昔也靖國小實吳大帝牧馬之洲荒江孤山非仁人莫與守也木叔司牧而治其御民也猶尹儒之夢秋駕焉推之文詞魂魄不異又安知其不爲子雲白鳳紀公青鏤乎木叔初釋巾賦元旦早朝詩數百言忠愛耿介非徒託於登崑崙歷閬風指西海涉陞皇也旦暮得申其志子敢操吳吟爲前焉

楊子嘗全稿序

余數序子常文。言之愧不能多。言又愧弗工。也。子常文盛行天下。兒童皆知誦習。顧其來處。雖經生者學。莫有知者。互以見聞推重。則曰尊註論脉。子常教也。註如律令。今有因類而傳。益之者。律中之例也。脉貫四體。苟頂踵反位。官各爲制。此又賈生所欲。今日之病腫與脈盤也。二者去子常俱遠。子常閔而進之。嘗于所選文字。就題解紛。旁通其旨。余每謂集子常諸評。可廢。七錄齋集

卷四

三

講家數十。然發明準志。仍莫若以身教。全稿之出。烏可緩也。子常文積千百。比之大士。亦沛公漢中。項玉彭城。各爲雄盛。子常每稱大士。按題細氣微息。字不苟下。大士評子常文。又謂其清奧幽削。得秦漢之深。兩人相視。莫逆。其所讚論。俱出世學意表。亦謝疊山小心放膽之喻。未能人人持贈也。子常未刻諸篇。較已刻尤廣。今新故錯見。司馬大篇。長公小品。隨人割取。無所不可。要不睹其全。義終不顯。余擬磨士受先殫一

月功篇爲評繹意平日得於子常語言者深。可
以無負。又恐徒論其似。未若子常自言也。子常
子定夫十一歲提筆卽能作橫絕江海之文。顧
做題源絡不失尺寸。余戲謂受先。此子跳躍九
州。猶不忘其家崑崙。今讀子常文者。先誦本文。
次玩集註。然後出其稿。與諸儒說參觀之。權度
見矣。

五兄稿序

婁之學博士馬涵虛先生去婁二十年鄉人思之相與鼓歌頌說經師人師莫梁溪夫子若也先生司鐸時先君子幸無恙數過從顧予兄弟幼少習童子業其隸學宮者獨四兄五兄四兄補諸生差晚又籍崑陽獨五兄奉先生教最親近先生月聚諸生課之覆名鈴卷不知何氏閱竟始發視初得五兄卷竒之題爲天廟之器比見姓名益喜時君常君聞稱文章宗師省父過

七錄齋集

卷四

五

婁。婁。人。爭。交。懽。願。望。見。顏。色。擬。於。衛。玠。車。騎。任。昉。冠。蓋。先。生。出。五。兄。文。示。之。相。驚。歎。五。兄。益。得。傾。筭。衍。從。听。夕。竊。幸。父。事。先。生。兄。事。兩。君。子。可。不。媿。生。平。先。君。子。輒。向。同。里。長。者。稱。說。謂。梁。溪。羣。賢。讀。百。國。書。齒。牙。不。易。吾。家。何。以。方。幅。其。間。子。間。侍。飲。酒。聞。之。心。熱。欲。仿。符。融。入。太。學。觀。名。士。恨。無。一。卷。文。耳。辛。未。春。予。追。隨。君。常。後。連。舍。學。誦。讀。君。常。時。詢。五。兄。近。日。文。字。予。爲。言。淮。陰。志。大。不。屑。比。肩。絳。灌。君。常。頷。之。歸。登。先。生。堂。先。

生令飲酒。勞苦問五兄。如君常。予廼語五兄。先生父子素不好煦。獨於兄學。問寒暑不置。真人天際。今距咫尺。無虛季。長八行也。五兄文少。恢博喜。揆雲漢。邇益修經術。能自名其得。夫厭薄今人。搜訪舊體。亦吾家兄弟一癖。五兄修姱。練要饒有其長。伯氏倡予。其在是乎。君常兄弟師表一代。復厚望于兄弟。贈五兄序言。勉以太丘。慰以燕山。抑太丘仁義。不敢不勉。燕山遇在天壤。何可幾也。然五兄少負竒志。近益苦諸生。

七錄齋集

卷四

六

不欲爲彼高冠切雲長佩六離。亦何人哉。五兄操文以往。匏中之詩。囊中之疏。適因時遭際。若知已皎日存。諸簡首則真司南車矣。

五子近業序

客夏徐子質可偕其弟文可忠可入婁與子談
春秋通疑難既引懷勝友酌酒起言門庭諷詠
兄弟所私一家之辭恨無折衷願得賢者遊繼
以朝夕子舉管子君售相見甚懽時鹽官陳子
靈茂亦爲其家子弟擇師婁東延張子孺高稱
莫逆質可兄弟又與靈茂中表契善兩家文學
並興益以良友古人云二梁瓌綺兩到凌寒似
不如也錢子爾信亦其地雋杰與君售連舍修

七錄齋集

卷四

七

研北之業遂以五子菽名蓋張陳桐軒一卷管
徐柳堂百篇方之執翻吹笙義可無愧出而見
榮則杜甫之清廟李賀之高軒也質可入燕文
可忠可往湖上各欲載文而遊子語以二龍長
途騏驥千里期已不遠諸君何不少秘爲貴人
新書然美錦十乘襍囊先見何所不宜管子雖
貧恃此亦王海國東漢管公明與他人言白日
欲寢見劉穎川兄弟則神思清發夜不假寐讀
五子菽致近是矣

二三場合鈔序

馮子鄴仙議科場條貫大旨在重二三場法最簡當二三場之學視第一場難且十倍兢兢重之舉世所知獨嚴重之法余每數思不得其解後場判學頗省論表包衆文之體五策言天下之務舉事非輕作者不易欲製自胸中白首未能若沿而相趨童子立具蓋後場形體雖大總括題目不過數十小慧之士諷詠一月大致可見閱者厭棄所熟盡空諸有則枵虛競長於理

七錄齋集

卷四

八

無當苟專取躐實汪洋之觀觸目皆是言歐蘇之言者非歐蘇稱賈董之稱者非賈董造富隨貧子竊悲之鄴仙欲重論學先表論題三年之內使人分習經史卽從本書標題數千使人講貫及試之日源流粲如策則分對策制策二途對策依問作答問輒數十條如宋帖括明其本末不溢他語制策直陳所學文章百變古今萬言司其喉舌無所不顯表則據事切韻必本風雅短長易識也予謂三說甚善法復可行使蚤

見施爲如是者進不然者黜學者稽古不遑朝廷得人甚盛豈空言乎雲間陳卧子當世絕才其所談二三塲如人衣食事尋常切實初無影響虞山楊子常婁東顧麟士經學純儒其論議與卧子同合鈔本偕合選後先行兩地不謀指趨無爽閉門造車出而合轍其信然矣合選縱觀渺論雜以平居之言合鈔則因文考古題據咸列前者不遺後者姑闕揆之典章文物俱無負也今日格法稍開放言靡已街巷市販刀筆

七錄齋集

卷四

九

米鹽欲登廊廟禁以司敗勢猶不止莫若懸二三塲試之質實者令其對策博雅者兼作論表分別高下定彼賞罰庶山澤隱淪不忘獻納髡鉗亡命無溷至尊則子常麟士與卧子二書藥石梁肉時所最亟矣

李空同何大德

王脩州李攀龍

劉中齋先生詩集序

近代論詩者前稱李何後稱王李宗風相仍人無異議三四年來詩學小變斷斷反唇于王李尤不少恕比復推奉二家更尊詩文一道言之似易行之實難後生妄排前人亦繇仗氣空談未審下筆濡首日久冷煖漸知子長少臆中之說子雲無世俗之論涉歷千載方絕謗譏人但患詩文不真無苦目前不識也王弇州吾婁宗工與李滄溟異地唱荅鳥鳴求友詩情最深沉然

七錄齋集

卷四

十

未遇滄溟時先交河東劉中齋先生同官歌詩使君與孤相期不淺予童時聞河東詩名長歎未見問之弇山後人亦無知者昨客都下獲交闡然侍御出先生詩八卷開首讀瞻彼三章此日何足惜一篇卽如陶令復生從此盡紙拊筆擊缶不喻其樂中間靈巖泰山憂旱喜雨感時諸作論者擬爲詩史與少陵比肩誠哉是也予與闡然交著金石凡有論撰咸見諷釋今更讀其大父詩德門風雅誦而不寐又喜弇山宿昔

歛爾復睹。酒杯在日。楊柳當年。非斯人莫爲斯
言。後生猶能想像之。四聲初起。妙矜獨秘。韓卿
縱辯。隱侯少屈。詩家之論。長短尤紛。上觀子政
下覽公幹。其河東之權輿也哉。

七錄齋集

卷四

十一

徐及申先生稿序

辛未春予寓京之西城與乾若對舍朝夕訊問不止古人望衡宇也彛仲卧于燕又邀作文字予輒偕乾若往比迫試日方旬遽罷會別時反不樂竊相語何不久客爲筆墨遊乾若邸舍與其大人及申先生俱同籍兄弟造乾若先挾刺候望先生予又念宛婁距千里登堂雞黍抗懷無期今得藉長安逆旅修拜父禮喜且過望先生方聞父海內意其年將二毛及睹形貌復幸

七錄齋集

卷四

十一

見所未見傾文授讀奇雅兼舉張衡造化之思郭象懸河之論斯人不遠登車賦詩屬于簡首自媿竈觚不通廣坐久而未出予兄洛尹讀書宛城與乾若莫逆及申先生時向之寄語予徵前諾小子默默有負丈人聞言蹶躓乾若不吝道里委使存詢先生刻藁比舊有加學使者試多士先生居首明月照乘於斯小驗先生歲路方彊扶搖直上乾若奮揚青雲方軌並軌一家著書同朝仕宦扶風眉山興言企躡予請記盛

事敢自今日始矣

七錄齋集

卷四

十三

馬漢翔試稿序

馬子漢翔與其叔氏君房弟魯卿並爲兩京文字。體制弘古。予讀之。以爲建章千門萬戶。今復見也。漢翔孝友。性在自然。推誠友朋。斷金爲信。每與予談論。其王父南溟先生文章風義。如揖衣冠。布筵武。不減生時。靈運祖德之詩。常璩兄弟之論。斯人兼懷。輒爲慷慨。漢翔少便有名。每試不後人一步。山公品題。狼籍巾笥。所刻少許。皆其近篇。其他雜試。不在此目。然國士遇我。義不敢隱。以此相推。辭表情見。予內弟王惠常承君天路三子。才共千尋。世稱國器。漢翔叔侄。信好無二。芳蘭一屋。昔賢人地。不愧烏衣。賞遊文詞。相得雲霞。命友崑城。大止十里。有此往還。山靈見許。豈徒紙墨。執筆作序者。流連其間。吟哦不去。亦如謝義潔云。飲酒得人。沉湎千日也。

李舜良稿序

十年前余序舜仲文。今又敘其子舜良。言念昔日。余與受先令古飲濤閣上。舜仲出見舜良。年未剪髮。未幾舜仲亡。詩文盈半度。藏刻不就。舜良稚弱時。已就外傳。余往唁問。哭泣趨拜。已輒能誦舜仲平日著作。蘇公有子。差可無恨。舜良大父與其外大父。皆玉堂襟袖。祖風宅相。後來者兼之。今其文舉攬秦漢。下逮陳隋。亦諸家盡出。隴西才士。上敵瑯琊。謂後人不如前人。余所不信。舜良志大。凡小試非其度內。然出必冠軍。賞音不少。士貴知我。當從此始。且門鮮兄弟。上有未亡。成文于提抱之年。受書于母氏之手。少則嬉戲。俎豆長則。禱禴九州。孝子之志。形于百篇。懷宿草而傷陟。能不破涕爲笑乎。

七錄齋集

卷四

十五

薄歸二子合稿序

薄遠之歸朗星皆各家子年少竒拔學行友善
並硯二載各刻文少許合以餉人此亦筆墨遣
送賢于禽鳥之贄也海虞山水稱靈江南二子
秀領本鄉後進南金未可多讓吾友陶公濟經
師鼓吹雅見推先窺其意致無異隱侯之賞二
陸予聞詞草善變有體爲高張思道天挺自恃
非獨自隕家聲今制義宗工衆推子常指所尤
殊理脉居最然潘陸尚華園綺有實二者輔車
七錄齋集
卷四
十六
何嘗不並觀二子諸篇英潤出羣高步衆作始
信虞山規模含義廣遠刊落毛髮但調氣息非
其教也讀文選者苦其字肥讀蘇集者嫌其字
瘦然筆止貴動筆行貴留察擇兼長去彼兩疵
存乎善學得其解者膚神俱清工敏咸極寧肯
因循籬下飲啄十步哉

龔孝升稿序

三蔡子讀書婁上二年始歸。余重其意爲序贈行。近瘦白復來。文術彌進。橐雖垂。顏色甚壯。所挾者其邑侯龔孝升先生四書義也。孝升吾鄉名士。行卷盛傳海內。介生卧于互見推重。在來之扶曦。伯仲間。三蔡乃其門下高弟。執業諷詠。誠以爲無大先生者也。入吳摹刻。評論最詳。發凡起例。字不空設。觀其敬慎。卽桓譚稱楊子馬融讀漢書亦曷過此。孝升天然之才。神明聖籍。

七錄齋集

卷四

十七

每奏輒善。士子受讀。猶恨其解褐太早。未盈萬篇。然謝何少。而能沈約多。而能詩人之長。二子並極。不能章句增減也。曩者熊魚山。鄭澹石兩先生皆楚人。令吾吳。年俱幼。文學政事爲一時冠。至今誦之。稱說甚於思人懷樹。孝升齒亞兩先生。才擅四科。未容少讓。斲卽疲劇。管子冷風。老聃熙陽。且暮可立起。郡盜震隣。聞柝卷足。諸生匡坐鼓歌。日稱先生無危城憂。咸出孝升之賜。蔡子安絃奉書情深資敬。公侯念渤海之舊。

德○弟○子○感○陳○留○之○遺○風○詩○稱○邦○之○司○直○又○賦○彼○
都○人○士○予○不○能○不○留○連○三○嘆○云

七錄齋集

卷四

十八

馮玄度稿序

慈谿馮氏之學。今之伏濟南。桓沛國也。門庭長幼。衣儒衣。談先生者。數百。南宮省試。人必著錄。縉紳儒林間。稱文章行義者。輒曰馮君。馮君者。留僊觀察。鄴僊給諫也。丙子秋。馮玄度登賢書。海內歡動。顧其家學。得之大小馮君最親。余八年前。讀何玄子閩文選本識。馮躋仲。旣從郵筒文字。識玄度。躋仲游京師。余得遇于觀察邸舍。酒論忘旰。玄度家不千里。尚望江滸遙。相聞聲。

七錄齋集

卷四

十九

人心相知。固不必面面亦適有時也。武進吳巒。穉盛名篤行。門下負笈者雲集。李仲達侍御早見知。侍御直節。罹璫禍。巒穉繭足。叫號生死。誼備及侍御名旌。禮官墓有宿草。巒穉始翱翔上第。兩人遭際奇矣。今秋越錄多環璋士。得人尤盛者。巒穉與黃元公。李映碧爲首。巒穉同門六人。並博學知名。玄度則天下士。涉七州著十經者也。昨者觀察垂訪。出玄度墨義誦之。金聲玉振。嘆爲觀止。夫平居好沉絕之文。逢年取世俗。

之論雖才無不可。余猶慮其無守也。得玄度吾道直矣。當代正人。項背相望。半在浙東。有學宗孔孟。文成賈陸者。玄度之鄉先生也。其激昂大節。湛深道德。文都武鄉。廉泉讓水。咸在左右者。玄度之伯仲叔季也。入有師雙。出惟君父。江漢杞梓。願以爲贈。或疑躋仲抗論千古。沛祖風簷五經。縛翅不飛。差池有感。要觀玄度先驅所爭者。亦食頃爾。

七錄齋集

卷四

二十

馬漢翔稿序

漢翔初刻試牘，余曾序之，言其門庭之盛，先世之風，語短思深，筆不得止。今又叙其全稿，通行四方，文篇十倍曩刻，作者之意，則大致不遠。余謂讀中郎祖德詩，常侍昆弟誥，不如此卷書矣。漢翔闡墨七義，深博爾雅，無一字空設。我友韓芹城見之，嘆其位置必當第一，比示簡臣介生石兄駿公諸子，稱謂皆然。會稽同安南宮聲著顧其元氣規模，省試之作，具體已見。余信漢翔

七錄齋集

卷四

二十一

在其平時，不於今日。卽今日之遇，亦不過喜，有以信其將來。唐太宗之重馬賓王也，賜以飛白。有鸞鳳忠力之稱。今漢翔文字已成鸞鳳，遇主在邇，忠力可俟也。漢翔世貴，大父諸父，軒蓋履舄，後先接軌，其樽約自下，則單門蔬蹕，禮讓弗及。此豈徒御下澤車，乘欵段馬，爲鄉里善人，如少遊所云哉。身任天下事，脩腕履名在雀錄，河書若所逡巡，無敢失者。家人七箸間耳。漢翔志廣慮勤，州國推重，劉勝杜密，皆其度內。吾妻王

聖乘太原華胄。與漢翔門地相近。其淡泊寧靜。
意未或殊。遍覽諸子。如磨如錯。非獨一人。晏子
之和異於梁丘據之同。吾黨所可拜獻。有如此
者。

七錄齋集

卷四

三十二

蘇陽長詩稿序

余別陽長六年。其爲詩。凡三變。藁亦輒數出。宰固巖邑也。暇而能工。若此。所謂歌于薦。過樓前者。斯人耶。今蒞吾吳。復示予稿一帙。則皆政成以後。郵亭道路。長安旅舍語也。陽長奏績第一。且暮華要。猶遲以日月。縱其吟咏。在他人方嘆身滯周南。車將生耳。而陽長詩乃益多。曰。天子。我以時。未可棄也。戰國時。蘇子長短言最著。後世葺其書。獨行。削通雋。永陸賈新語。不敢比。

七錄齋集

卷四

三三

肩顧其發憤。揣摩無過。激昂萬乘。立取富貴。比佩相印。其能盡矣。何嘗有有餘之思。幻眇之致。如陽長。今日一篇者哉。忤時左遷。得蘇郡丞。陽長旣不薄丞。更不忍薄吾郡也。受事十日。先薤萑苻。吳越千里。謳詠神君。子瞻老於玉局。出守蘇州。今陽長先蘇州。而後玉局。亦未晚也。談時諸家。推尊活法。然煨煉非康樂。不言圓清腴。非彭澤。不言枯圓與枯。詩之至也。臨高臺而賦九秋。予于是集。每徘徊久之。唐圖主客。宋派江西。

作詩如自有
可為三序

昂○藏○振○袖○未○得○其○平○試○以○陽○長○諸○篇○壓○卷○其○殆○
曼○卿○之○籌○筆○驛○君○虞○之○征○人○早○行○乎○

七錄齋集

卷四

二十四

古照堂稿序

子修在初視不
在俯仰于友
音有同悅

七錄齋集

卷四

二十五

吾友孫念義當今之善士也。子令修令章並以文顯。髫時卽有名聲。未及冠。篇章盛布海內者。儒宿學咸好誦之。今秋令修獲薦。知與不知皆爲當事者賀得人。令修大父州里長者愛其孫甚。方在提抱。期以遠大。令修初補博士弟子員。整衣謁拜大父。慰藉良厚。頃者捷騎至。念義未盥沐。起坐。泫然。痛父不及見。令修亦洒涕沾巾。思親旣極。遇喜而悲。陟岵之詩。所以終古也。念義文學深博。兼精內典。絕葷食。好施舍。家雖貧。見路有餓人。或寒瘕不起者。必奮身救。及義所難犯。介然岸立。斷不與俗雷同。余嘗謂其仁感蟄蟲。廉辨河水。斯人也。出而爲九州被其可矣。令修篤行。酷類若翁。其文風格。在東西京間。李公寶弓鑿拔絕倫。得闡中卷。最奇愛。度其相知甚於季長之識康成也。賢書奏名。歡動陌路。父守濟陰之節於門庭。子大東武之學於廊廟。孫氏家乘。其先東海乎。孔孟教人。斤斤義利善惡。

年○來○其○說○頗○著○近○有○慮○其○分○明○者○不○得○已○而○持○
趙○母○之○說○戒○人○爲○好○余○竊○傷○之○念○我○身○爲○士○宗○
有○子○肖○象○世○德○累○義○放○麀○無○心○其○語○善○也○顯○不○
若○陰○行○之○深○獨○不○若○與○人○之○大○以○是○稱○教○則○不○
媿○云○

七錄齋集

卷四

三十六

吳純祐稿序

婁東治春秋者。前有太原。近推延陵。庚午。志衍以其經冠南國。今歲丙子。純祐復遇延陵氏之學。益斌斌矣。純祐沉默好書。自其少時已然。志衍登賢書後。家庭觀摩。攻苦益甚。漆書三滅。鐵搗三折。其志也。延陵衣冠望族。子姓隸學宮者數十人。志衍兄弟。又早見榮於時。鍾鼎家世。邑人高之。顧其循禮讓。好退約。卽華門藁巷。不若也。夫家南郭者。厭市門。饒賓侶者。譏鳥雀。異迹

七錄齋集

卷四

二十七

之嫌。非同根所樂。斯二龍並御。所以稱難耳。志衍弱冠。搏風而行。逾五年。純祐振策從之。並駕長途。遊上國。其年隨肩其書一屋。京師雖大。軌輒及焉。未有不傾城觀歎。連袂稱盛者也。射策旣畢。言復見用。門庭之頌。將無以加。余爲序簡端而愴然者。知其志非榮華而斷以仁義也。志衍縱衡文酒。操行介潔。純祐寡言笑。重然諾。義所不可。情無貌附。兩人方銳。直行其志。子瞻子由。所優爲耳。吾婁十數年來。風俗近古。士子

尚節義。諷經史。小民甘衣。媮食。鳴吠不驚。新貴人儉而禮。耻爲侈靡。炫燿其風。旣成。始而人稱。久而且漸。相忘也。志衍兄弟。不欲有名。其亦人忘於道德乎。然名可得而藏。文不可得而隱。其大篇數十。猶四子講德之遺哉。

七錄齋集

卷四

三十八

汪君萬稿序

予嘗與汪子君萬論古今人物引伸辨難知其託志深矣北風方發車馬戒途予爲問行李惟生平文字百帙是將渡淮泗涉齊魯走三千餘里致之闕下公卿先生有憑軾而觀者斯亦汪子之一琴一匏也君萬爲方伯來虞公季子公歷屏藩久清名偉行足紀烝彝寅卯間忤大璫意屏居田舍後遷粵東竟齋志沒君萬抱書長號無日忘泉隧飛鳴方始操存不拔度其目營

七錄齋集

卷四

二十九

九州縱懷太古覽鴻都之碣厲青松之操開元慶曆雅詩可作非徒童僕敝陋衣裳浣濯而已陸子赤文沈子玉當皆英年異士與君萬稱兄弟交風雨繩牀圖史千軸意景所接握筆追述文成極賞嘯歌旬日覺子雲夢腸陳思反胃前人猶拙今所刻者多其曩日耳君萬精於治禮南闈稱得士者禮家尤斑斑顯名左氏傳春秋也天人治亂必以禮斷之君萬好善嫉惡明消長正得失于春秋爲長探其胸中禮則所素熟

也。二者合斯可以治世君萬其行矣。

七錄齋集

卷四

三十

周簡臣稿序

今秋聞簡臣捷音。頓足起舞。及閱全錄。不見我介生。則又泫然泣也。景陵譚友夏兄弟。隱林最先捷。向人逡巡。輒云家有處妹。旣友夏服膺聯翩飛。舉友于唱和。如鳴鴈相隨。燕都市人皆識之。簡臣兄弟亦有四。聲名滿天下。今先登者簡臣也。詩稱伯仲禮齒。後先門庭之內。若謙讓然。譚氏之見榮。始于弟周氏之見榮。始于兄。遇合適爾。何所肥瘠。余讀簡臣制義。所以賦吹篴也。

七錄齋集

卷四

三十一

金沙之學

于辛酉時六經晦昧。庠序不言。二

子力明往聖。疾呼流涕。群迷始悟。謂晝昭。昭孰可無日。謂夜湛。湛孰可無月。二子之文。讀經之日月也。十數年來。海內風附。排諛並出。鄭人始謗子產。旣而歌之于子產。無損益。鄭則治矣。立教方始。以寬引人。聞一善士。見一善言。千里寄書。殷勤歎慕。推此志也。易豺虎而衣冠。變蕭稂而嘉穀。豈異人任流聲。漸廣異生于同吹。索相尋以刻爲智。國朝從祀之賢。理學尸祝之文。

此有另卷之序

責其語言。咸有疵也。意欲使天下無人而我獨尊。寃之天下不許也。予每悲二子願廣而遭不若。時爲詩以寄慷慨。至于願同清不願同濁之際。流連泣下。未能自明。意者其呼天乎。寒必有暑。善必有惡。欲望舉世無惡。吾黨之愚也。簡臣介生。當代儒者。我容我成亦然。少年諷習。得于兄訓爲多。二子誠以教弟之道。教海內。豈有厚薄。其間哉。簡臣此捷。亦云小遇。然知希我貴。誰爲賞音。非公安袁特丘不能識也。漢有吳公。賈

七錄齋集

卷四

三

誼始顯。予聞特丘政事。當奏今日治平第一。宮牆濟濟。宜多賈生。然觀特丘英絕之材。家學擅林包羅萬古。其于簡臣文字。目遇心得。是又所謂以賈知賈也。庚午秋試。闈中揣摩。思得二周爲榮。有讀春秋一卷。目爲簡臣者。今則簡臣果得。懽聲滿堂。下遍四海。賀簡臣之遇者。卽傷介生之不遇。猶見公好不絕于人間矣。

孫君昌稿序

孫哀谷先生懸車不仕。沉默著書有年矣。尤好言司馬兵法。幕府聞其名。爭願交歡。八騶造門。褐衣出見。軍中載行。士誦清壹。比歸家。則抱膝吟咏。公理樂志。仲任論衡。放情邈寄。鳴鳶飛鴻。如不聞也。今秋長孫君昌舉於鄉。宗族老人置酒賀。公獨呼來前。訓以廉讓。君昌性素靜。厭紛華之觀。聞大父言益喜。其尊人諸父咸樂成就之。孫氏家松陵之東。簪綬累世。苦城市囂廣。不七錄齋集

卷四

三三

欲近同族。結茆衡宇。連步一弓之水。十畝之桑。讀書賦詩。鮮通賓客。村郭雖小。亦古之柴桑。愚溪也。君昌兄弟與其從父孟樸。文章唱荅。名聲遠揚。四方車騎。過孟樸者。輒問君家仲寶。君昌則雍容六藝。循牆負劔。惟長者是聽。猶中郎之敬其叔父也。夫居稱山澤之游。出號雲霞之夏。同人極盛。望塵者所嘆弗及也。孟樸諸弟兢爽。從子與其子。咸人文淵。拔能高大門閥。鼓宮官應。不離戶庭。較之鳥鳴伐木。覽求千里。爲歡多。

矣。君昌本其祖書。擅長述作。思皇多士。莫有先
者。丈人采藥山阿。龍駒已騰冀北。乃知孫子終
未可隱也。

七錄齋集

卷四

三四

徐無礙詩集序

亡命崎嶇避仇脫死古來湖海之士間亦有之
然喑啞漆厲草木腐滅後世不能舉其姓名者
史書而外又不知幾何也宛陵徐無礙先生三
十年前以盛名起諸生間時方弱冠揖讓儒雅
學使者虛左禮之郡邑有司交引爲上客驟失
貴人意中以危法向所愛重無礙者怒而擠諸
壑不立死不止謂天蓋高不敢不跼謂地蓋厚
不敢不踏無礙當日直死人耳走齊魯歷燕趙

七錄齋集

卷四

三十五

抵秦晉入商雒氣息始屬如是者十八年歸而
儒冠尚在衣故衣拜鄉黨墳墓松柏鬱然成行
兒孫繞膝頭角長大仍以鄉進士奏名王廷司
訓清溪五年遷縣尹聖天子寤寐作人於明
經科尤加禮拔儒官陟臺省適其時乎曩者貴
人行慚雄狐鍛鍊名士閉無礙牢獄中百二十
日脫取快意寧謂天壤今日間復有徐生哉卽
與徐生同難者鞭撻酖毒百無一存余獨幸無
礙蹈道而得生也無礙去家奔走年正壯盛姓

天殘。柝枯。蓬涸。魚寒。鳥盡。載生。意羽。君兄。弟師。
事吾友。顧麟士。昕夕道風。遠抗前哲。携書渡江。
此冊在。麓寶先世之綬。笥抱吾祖之遺笏。孰若
一卷爲愈。非賢者不能存精神。廣孝錫也。昔趙
令時在襄陽。橐中諸書。皆令李方叔品評。子愧
無方叔。一長抑羽君之好古念舊。卽令時猶執
羈勒矣。

七錄齋集

卷四

三十六

錯

吳日生稿序

今年夏初。日生刻其近義二十篇。多抗拒切今之談。主於規諷廊廟。匡變世俗。騶虞好仁。屈軼指佞。猶有見者。人文挾此。可與論出處矣。秋試。冠一經。同人恨其不卽舉首。與維斗並稱盛事。乃日生意無喜愠。聞報日。卽抱舊時篋書。坐館舍。與曩日生徒。講論不輟。凡車馬出入。賓從酬獻。所爲貴人繁苦者。脫如無有。風雨徒步。華冠緼衣。間操小舫。過問諸同志。高論丙夜。辭致慷

七錄齋集

卷四

三七

慨。憂危盛明。志存許國。乃知高軒不易。敝廬鼎食不忘。故人前賢美談。猶日生之小節。未足量遠也。全稿出海內。望其名氏。驚喜購讀。抑聞聲相思者人也。進前而御者文也。莊惠捐金。伯期撫絃。相知以心。未容啗喪。則形外賞歎。憑此一卷矣。夫行卷房稿。因時變遷。同於歲序。然蚤凋者多。晚勁者寡。近則畸人偉士。曠不欲觀。意謂直言中心。寄覽無益。若令徧誦日生諸篇。武侯出師。令伯陳情。忠孝之思。斐然可睹。此固延陵

家書也。敢薄帖括爲不傳。來壯夫雕蟲之目乎。
周子仲馭素負人倫。月旦昨遺書余云。與日生
對竟日。目中未嘗見如許人。今讀此稿。其欣慰
當過甚。所謂既見楚山。又遇宋玉也。

日生詩易

七錄齋集

卷四

三十八

賀蔣八公先生掌坊序

代

戊丑南宮之役。首選士並在江南。一時賀戰勝者。咸謂文章典瑞。惟南有之。都人士詠臺笠而思豐芭。岐山首善。敬恭不忘。及考諸宮牆。皆閩晉八翁。蔣公門下士。當日公奉簡書。蒞棘闈。職雖副也。蚤夜帥先。必公必慎。焚香靜室。黜士公堂。倦倦以進。人材報國家爲首務。墨子云周公朝讀書百篇。夕見七十士。求賢若公。殆有其心者哉。戊辰試禮部者第一人。亦出公門。蓋今

七錄齋集

卷四

三九

天子首科也。公職分考。得人獨盛。其間官臺諫。列館閣者。比肩疊跡。丰采愛慕。爲京師貴重。南闈科塲議起。公適以皇華出行。休沐里舍。語言甲乙。默不與聞。當宁鑒公赤誠。雖少抑之。卽進庶子掌坊局。凡公同籍詞臣。叅贊鼎輔。虛遲周行者。不乏其人。公奏序金甌。鴻漸以類。泰之初九。其斯時乎。西漢韋匡。捷足相位。博士褚先生。次其事。感慨係焉。丞相與御史大夫位至重也。或數十年而不代。或不出城門一二年而卽得。

之各視其命。未可力爭。所難者論道弘化。無愧厥職耳。公居家抱中孚之爻。登朝守玉鉉之節。余所以爲志分陝。頌說命也。壬戌掄才。政繇福清。詞館之選。贊贊可述。公與石齋黃公爲政本同省。廉其學行尤詳。拔擢文翰等于鄉舉里選。非公孫阿世。白衣春秋。敢望朋齒也。石齋瀾綸天人。深于陰陽災異。公博通典章。勒成一部。比名金海。雖未布國門。遠方募購。無異葫蘆漢書也。聖明右文廣教。延攬郡國。招列內外。悉升

七錄齋集

卷四

四十一

之史館。典起學問。典型模楷。非公其誰。漢帝陽朔之詔曰。儒林之官。四海淵源。貴善學也。班固辟雍之詩曰。皤皤國老。孝友光明。貴人望也。公造深彊立。雍容應運。以入洛之期。赴爰立之會。輟鈴鼓。除門闌。予日拭目焉。昔賢論選舉者。莫先讓官。三公員闕。擇其中讓多者代之。公誠能讓人者也。人無不願讓公者也。唐虞交讓之化。又于是行將見之矣。

袁特丘司理考績序

吳之邑宰。文章吏治。與山靈偕不沒者。至今稱
公安袁石公先生。先生伯氏玉蟠先生。其季小
修先生。則皆文家鉅公也。公安三袁聲名著作
咸在日月之際。而吳人于石公先生親承教化。
尤服膺不倦。山溪樓觀。酒亭池館。題柱刻石。謠
吟載塗。無異周人之思召公也。特丘田祖命世
絕才。原本家學。海內問奇字探玄文者。羣走其
門。與余稱兄弟交。辛未南宮之役。余同楊子維

七錄齋集

卷四

單一

斗遊燕都。識兩袁于廣座中。舉酒相屬。意氣深
重。翻然告別。皎日在心。後吳楚地隔。音問寂寥。
甲戌里居。覩登科姓字。特丘得之。田祖失之。憂
喜交半。竊意明主勤求賢逸得人。關門開閣
旁招俊乂。歌頌相得。鴻毛沛風。孰有先我袁特
丘者。而津路持之一時名士。盡驅出就外吏。特
丘遂司理淮上。宋熙寧時。王荆公為政。忌眉山
蘇子瞻。使之權推開封子瞻。判決神明荆公爽
然意失。而唐時幕府推官辟選高名如韓退之

特丘曰彭年注
司考也田祖曰
新年乙榜後
不知所往

狄汝諧之倫。流聞後世。今以特丘當之。知不難也。淮陰古戰爭地。水界河雒。陸控徐豫。平時周防險阻。嚴于他邦。邇者劇盜橫行。虜問洊至。傳火擊柝。竟夜不寧。特丘介而巡呼。疏行列。柵塢壁。懸漏立表。信賞明罰。不逾月而戰守備具有。辮髮胡語者來觀營壘。輒曰。此袁公淮上軍也。連臂散去。淮流峻悍。轉輸病涸。公策馬立岸上。召徒浚發。去斗泥。鞭墮士。舳舻啣尾。邪許而進。莫有留者。袁公一文吏耳。事權之重。非劉司農

七錄齋集

卷四

四二

韓節度比而防禦。輓運實兼其任。以皂衣數人。紙書方尺。分茅虎之威。寄節鉞之半。重閫外而增十萬師也。豈不賢哉。世謂白面毛錐不敵長鎗大劔。今觀特丘始知書生有益人國。卽有譏南陽之盛名。笑壇場之虛拜者。賴吾特丘一雪此言耳。特丘于丙子分較南國。得士居最。門下生若吳純祐。周簡臣。陸狂生。諸子皆當代名宿。羣推爲大圭白鷺也。裘帶之餘。琴歌滿堂。古惟孔北海。陸江東。乃有此樂。特丘其再見矣。往時

石公先生治成爲天官郎。清通簡要。莫敢並席。
特丘奏績。選部亦列其名。請佐荃宰。純祐謀觴。
之。而以言屬余。余惡知文。所知者。特丘重官。非
官重。特丘耳。撫今論昔。東漢公卿。四世家乘。其
先志也。

七錄齋集

卷四

四三

吳禹王先生榮封序

國家慎重。封誥于詞臣。尤兢兢云。五載。殿

陛始膺榮命。不及年者。久而不進。又功令新

慈。朝臣奉封勅。必趨闕下。稽首拜手。然後

馳入里門。所以明

聖天子恩厚。爲其家人光寵。而史臣吳駿公適

官京師。秩滿晉封。躬拜綸命。盥濯襲藏。遠

致父母。其大人禹王先生率子弟出郭門。恭敬

祇受。於是釋平服冠。朝冠歸。而歌報上之詩。晨

七錄齋集

卷四

四

露晞陽。莫能喻也。先生博觀典文。齒髮華潤。卽

使其身服官。當封五十之年。亦未云晚。迺養閑

物表。獨食後福。詘而若伸。先生豈無意乎。晉范

武子爲政。未老而退。文子繼之。晉侯使祁奚舉

賢。則曰。莫若子午也。此兩人者。晉之賢大夫也。

讓卿位。而不居。薦其子。而無忌。曰。後有賢者。我

其可以止矣。禹王先生有子駿。公才而早貴。次

子清。臣孚。令圭璋特達。又將騫而萬里。凡人一

子能賢。卽悠悠日暮。終朝鼓缶。先生三子。皆賢。

者也。貴者尤有令名。設先生蚤遇人主。備位公卿。明王側席而問義。無庸自隱。其子今者年壯。子達韜光田野。仍韋侯之世德。諷老氏之知止。其不仕也。實榮於仕。是故詔書到門。大帶脩服。人以爲先生之履盛。予以爲先生之好藏也。夫名士立身。顯晦殊致。爲善同塗。駿公善于國者也。先生善于鄉者也。尋常觀之。善于鄉易。善于國難。若至今日。其難等耳。召宗人而告之。以誠簡童僕而柔之以禮。見故人則下車聞鄉。

七錄齋集

卷四

四五

黨疾病則往問。衣取其敝。食取其陋。田廬取其薄。塲數者。賢人所能也。然而異已者。生嫌。反道者。懷妬。進譽走趨者。集他日之毀。望恩門庭者。來無已之怨。爲善彌篤。則見善彌難。先生父子仁義砥礪。席通處顯。四方觀聽。鄉里見聞。莫不謂周召二伯。岳牧九官。其事旦夕。傾耳車音。掃門候德者。不知其幾也。而耽耽之徒。側目其間者。亦不乏人。今駿公旣夙夜小心。毋忘精白。先生復冲夷應物。挹而不盈。其御家也。卽萬石之

居朝廷也。其當官也。卽君平之銘座右也。二者
盡善。故至德歸焉。青宮講學。慎選端人。駿公
遂列左右。年少而爲師。保其三公之權輿乎。而
恩數及親。高堂伉儷。並荷天寵。卽先生擁書
樂道。長吟臯園。無藉子孫。以顯然如東方大夫
避世金馬門。無不可也。

陳侯木叔迎養賀序

陳侯木叔之治靖也。三月而民化。歌舞屬道。于古所稱弘農。汲令無異也。侯母某太夫人。版輿入城。民爭趨擁。歡聲殷雷。明經朱子輿率邑中長者爲壽。載酒擊鼓。耆幼羣集。屬子操觚而前。折揚皇荇。予則何能抑本。諸田野亦幽風之葦。齋乎。侯起家。稱文章宗工。南宮旣第。天下望其人。承明領著作。乃屈首受理人選。又不得壯縣。而宰僻國。同人邑邑。謂盃水拘堂。不展霖雨。

七錄齋集

卷四

四七

侯獨怡然曰。羸糧述職。酌泉厲清。豈異人任。遂輕舸造邑。縮綬而治。夫漢之公輔。出于循良。宋之道學。皆能吏治。彼戀禁闈而薄郡邑者。其人非盡有長孺獻納之忠。京生在外之慮也。烹鮮不嘗。而鉛鈍畏割。擺指告退。謹避賢者路耳。侯覽察今古。議論六合。名山大州。皆其襟帶。適然而之靖。靖之人。驚以爲神也。侯則叩囊底應之。有餘矣。靖暴苦旱。侯甫至。葛衣草履。禱于日中。體極咯血。匍匐不休。未幾大雨。境內歲登。雙穗

考

木叔治靖。陳侯
利削。其于制
骨見筋。其枕
曰三月而民化。其
爲之慨然。

之稻八藥之綿建靖以來所僅有也靖介江濱
司民牧者輕其選不注進士第以名進士來尹
者自侯始侯之賢又越前人而上邑人喜且懼
喜者曰侯來何暮地不得侯其斥鹵乎懼者曰
侯非百里才焉能旦夕處此也亡何臺使者果
議調劇邑靖人舉裳濡足渡江來告使者憐其
意許且止舉國猶惴惴見太夫人至則大喜曰
侯母且來侯將焉往太夫人婦德隆盛不能節
記獨以教子言居家劉薦在官却鮓其概也侯

七錄齋集

卷四

四八

爲諸生時烏履滿門賓從絡繹堂上置酒丙夜
賦詩不聞瓶罄惟母之力蕭然出宰飲食潔清
烏傷竹箭可以贈人亦惟母之志靖人稱侯曰
慈母稱太夫人則曰慈母之母太母之弄孫慈
母之抱子情猶一子也太夫人子侯侯則子
之人羔羊之節純臣所以答親甘棠之仁孝子
所以錫類侯克備之矣侯憂憫念深賦早朝詩
一篇痛言世病有杜少陵袁道州風一日立于
朝攀檻而呼列麻而哭無禮于君者必側目不

敢近。今僅砥礪治行。爲百城表。尚其寄耳。蘇之
崇川稱小國。與常之靖等也。累官者罷不任。楚
魚山熊公以名進士往。始大治。後熊公考最入
諫官。著直節。靖有我侯亦然。其他日可知也。邇
者功令程督。遇進士加嚴。邊荒虜寇。濕下煩瘠
之地。必勅進士往。厚其期許。不恕盤錯。侯一出
而勝。任愉快。使朝廷知進士得人。誠異于他途。
此亦制科之極榮。祖宗之深願。仰天之祝。豈徒
靖人哉。昔崔封積薪自焚。而甘澍降。祝良暴身
堦庭。而霖雨集。咸以祈請之誠。垂名史冊。侯減
刑省賦。聘賢息奸。惠民之道。非一而已。太夫人
內觀懸金。外聽鳴瑟。益信國人稱願。莫此爲大。
卽東海萬石師氏九經寧足並哉。

七錄齋集

卷四

四九

朱例本抄系北康利凡膏施凡每天分日稱
揚堯思。乞其世乎豈其然

賀李青藜榮擢禮官序

郵之名三阿也。以有平阿中阿北阿也。土高廣水。俗厚勤稼。自古志之。久而悍急。剽疾微有楚風。蓋地介南北。水陸奔會。蒙衝犀兕。鯨身文衣。噉咷間作。又旱溢不時。萑苻伺覺。暇則擊擢。荷檐急則操挺。科跣習使然也。自宕渠李侯來蒞。旬月大治。土風變革。邑人驚焉。侯固文章名家。西蜀所稱青藜先生。山右李括蒼先生。闡中士也。括蒼先生總挈名教。當世士宗。相文之善。無

七錄齋集

卷四

五十

啻九品中正。嘗仰天而祝。願得偉人君子。爲國楨幹。以故門下高第。磊砢肩望。侯名藉甚。承明石渠。旦暮遇之。使更吏事。乃出守郵。故事遷除。縣尹奏績。第居臺省。州大夫卽行能高。僅同曹

郎序進

今天子破格登賢。詔州邑政成。選陟均體。兼虛詞署。設席以待。而宕渠李侯適應其會。五載論最。徧海內大州。無賢於侯者。三阿之人。惟恐侯行。爲賦五鼓之歌。又喜侯卽行。翱翔玉堂。異於

州不及知推明
者點

前者諸大夫也。亡何晉春官郎時與侯一輩者
遷延詔書。久次半通。而侯獨先之。無周南之滯
四牡將駕。後命方隆。顧三阿耆老。稚子猶有邑
邑者。謂茂異若侯。朝廷欲寵其行。何不遽朱仲
卿。尹子况若尚曹郎。爲牽車載酒。挽侯母去。侯
笑解之。余處東海。心高其義。敬舉一觴。吾侯行
矣。不寬不猛。無黨無偏。前有楊輿。後有宥渠。侯
何以得此聲於人間哉。士序學較。民序阡陌。商
謳旅。喆遠人。棹歌望孟城之氣勢。咏少游之短
篇。白波萬里。青草如雲。莫非侯之所以不朽也。
治國之道。必先以禮。周官小宗伯在侯。其權輿
耳。其留也。去珠可還。其行也。大錢可受。姚給事
所言六官。蓋一驗也。

七錄齋集

卷四

五十一

賀申君美年伯榮封序

素公成進士於今九年矣。門庭數楹。輿馬不治。太翁君美先生角巾閉關。里人罕識其面。二三故舊携酒造廬。談詠終日。未嘗問田宅貨財。素公宦五雲。時時省起居。先生首以廉訓。歲月上尊。無獻篋筭。輒頌首謝。受教酌泉飯。換自服官來。不聞取民間脫粟爲家餉也。五雲地瘠。民苦賦甚。素公務以仁心柔之。當奏績時。逋賦二千。或謂稍施篋令。事立辦耳。素公感然曰。土毛單

七錄齋集

卷四

五十一

矣。奈何以一官故病民。輯瑞已畢。翻然南還。與民和顏色。敷腎腸。如昔日也。故事縣令奏寢。五載爲滿。素公偉人國器。海內望其旦莫。登用鹽梅。金礪獨以百姓故。留遲之三年。不少佞倖。何似古陽大夫哉。太翁里居教子。次公澹尹。季公湘令。文章行誼。步趣伯氏。善承親歡。子婿沈庚。三亦藝林世家。縱衡墳典。翁左右顧之。出入甚得。然長公宦遊久。兩大人封命。當朝夕下。猥遲九年而後得。以嘗情言。猶豫不平。或所時有翁。

獨恬夷自適與素公一致余小子私拜下風竊謂衣冠卓爾如我君美先生卽微寵命龍丘之節通德之門崇高當世重以封章天眷日至父誦式穀子歌清廟維桑與梓必恭敬止掄揚樂事又奚慕於騎龍弄鳳翔嬉雲間者耶先生少食貧方潔不阿姻黨富人以財矜雄謝不往見唐浩宇先生邑之尊宿素奇先生妻以賢女入門執儉有戴叔鸞家風先生間行邇中獲遺金一餅拱立以俟其人還之乃歸今已貴盛猶布

七錄齋集

卷四

五十三

衣耳闔室操作杼舊無改聞之申氏相族孝友廉讓踵武行德少溪公當中年析箸推財昆弟自取汗萊至今子孫繼跡不尚膏腴不耻弊惡其家教也素公弱冠卽舉於鄉高文隆名爲世師法辛未與余同出蒲坂楊夫子門夫子勗士必先孝經首章余兩人伏席聽退而交勉毋忘斯言丁丑初夏素公覲還復入豫章余遇之吳門戲謂君遠玉堂遊江湖其滄浪漁父耶素公大笑鼓枻竟別又三易寒暑詔書到門太翁太

母錫帶之榮。自今日始。念我素公。乘高攬轡。河
清麟見。適其時也。養嗣數年。培風一日。余昔爲
嘆周南。而今且爲咏燕喜。先生可以受矣。惟君
惟民。尚書訓之急名與官。韓子刺之。素公神明
寧淡。周流歲星。吏道克舉。習民依而後達。國體
勞王事。而後養親志。天子之葵元侯之貺。豈
徒以百里哉。沈彥深素公研席交。庾三伯氏也。
時爲余述其鄉侯太常歸侍郎之盛德暨魏郡
父子有味乎言也。余小子心識之。敢從諸子後。

七錄齋集

卷四

五四

効擊壤焉。

賀崑山葉令君考最序

國家之制。凡三年進郡縣賢能。書績考試。其輯瑞而至者。親以治狀獻闕下。太宰差次以聞。或當劇難。其地不可一日曠無人。則臺臣奏留。身不及覲。州將邑倅。爲抱文章詣公府。然京師之遊。雖煩車馬。輦上聲名。易達其留外邦。遠清光者。飛文游談。類能中之。是故人臣一出爲大吏。欲見天子。則難況百城之長。萬家之牧哉。丁丑集計。群方趨朝。吾吳之婁江鹿城古嚶三

七錄齋集

卷四

五十五

公並舉廉異。咸當孔道。介大海。遂議留。無入覲。婁江公陷於告密。忽註下考。舉朝驚愕。三吳衣冠之士。侘傺不平。爲歌負薪之歌。蓋悲廉吏不可爲也。亡何鹿城葉公政成。將報最。士大夫交相慶。謂賢者在吾土。方賀彈冠。豈獨國家之福。吳人與有榮焉。鹿城固治邑也。十數年來。蒞其土者。輒不吉。令長數更。下有囂志。卽號武健。欲毛摯而鷹擊。類不得其主。名則盡舉。而咎地脉。褰裳避之。公獨於選人無請讓。呼名唱籌。遂

令鹿城宗族親知。頗不願公行。公不應。驅車受事。方入境。卽携一杯水告樊孝介先生。祠蓋崑之循良。先生居首。公之大人黃門公。又先生師也。公心慕悅。因其性淵源哉。孝介先生治行無匹。歿爲神明。崑人像祠。有疾病往懇。卽見脫顧。其生時不行。境外束脩之問。六年不調。掛冠城門。其名豐。其遇嗇。公徘徊廟貌。寄以詩章。豈賈生投書乎。屈大夫乎。蜀人習禮而思文翁。魯人夜漁而懷宓子。後之視今。猶今之視昔。詩云高

七錄齋集

卷四

五十六

金三

嬉食者乃官邪
乃胥邪亦邪一
究其原

山仰止。太史公曰。爲屢嬰執鞭所忻慕焉。其自託遠也。崑苦賦稅。歲以逋告。所蠱食復不在。民間公拔其本。正供悉登。城堞不治。學宮草萊。幾十年於茲矣。公飾新之母。煩百姓。夫當鴻鴈告哀。追歛亟迫之時。爲民牧者。急上則民困。念下則國誦。具烈火而誅秋茅。日不給也。公懸刑不設。群氓勸輸。又以巡行阡陌之餘。申六條。儻城傲。使俎豆有林。鼓柝無闕。非仁心爲質。辭輯民柔者。安能乎。告訐風起。吳國蝻蟪。牢修侯思止。

之徒塗人而是鹿城無有也予聞昔之疵崑者
以其好譏與謠而今獨寂寂稱至醇夫觀宰相
者觀天下之風俗觀守令者觀一國之風俗舉
世皆狂而鹿城獨醒可謂治矣萬曆中年國
本未定衆正力爭葉鹿吾先生時居諫垣數上
書折奸萌甘廢斥不顧夫守土爲民之慈母立
朝爲國之司直公家教也公今日友孝介他日
師黃門廉泉可飲而豺狼是問余先爲賦羔羊
以獻

七錄齋集

卷四

五十七

論今日而兼塔其門可長而得之矣

宋讓木生子賀詩小序

宋子讓木年未及壯。書滿人間。奏賦楚王之宮。能稱大鳳。典詩曲景之屬。非操土音。鷄林藻吐。萬言。丹穴歌遲。九子綠衣。執釜知錦水之有鴛。綉。祿。角。犀。出。河。魴。之。貴。種。既識如臯一笑。定占江夏無雙。蒲葉朋觴。瞻玉勝之字。鶴遊笙浦。咏金錯之刀。隱侯善文。看諸墮地。廣平能相。卜自。醉盤。感。膠。木。之。至。仁。采。彤。管。之。有。燁。僕。射。人。來。天上。詩傳金谷之名園。羣公賦本一心贈。逾五

七錄齋集

卷四

五

月之舒鴈

壯年生子不足多。壯年而子出于少。星是不當為。謠不贊而志為深。木內不贊也。徒曰賀。正多。

此為之報

劉墨仙放生慶生序

以放生慶生慶生之近人者也。鶴毛入炭魚行
蠶湯尋常吞咀周勤戒檄墨僊本其教以壽若
翁若翁則今之淳于意徐彥伯一流也。救世活
人當億千萬乃猶惡議蚶蠅惠存怖鴿子知是
祖是孫志深于古之斷罟諫獵矣。

七錄齋集

卷四

五九

09811

